

### Lutino weng romo pwo nye

#### Dul me 26: Deborah on inclusive vocational education

**Acakki:** Itye kawinyo dul lwod wa me lutino weng romo pwo nye. Lwod man jo ma kelo bot wu aye Backup Uganda kacel ki Brainstud. Itwero winyo pwo nye wani ki iwii yamo me internet ma tye iwang website wa ma ki lwongo ni [www.backupuganda.org](http://www.backupuganda.org). Ka itye kawinyo wa ki Gulu, iromo gamo pwo nye man macalo dwon ma ki mako ki i Mega fm, Radio Rupiny, Radio Maria onyo i Divine Video and Music Library matye idi town kany. luaheadi ma a ki i gang kwan me district weng romo gamo pwo nye ni ki i office pa DEO onyo District Education Office ki bene luaheadi ma a ki igang kwan me city council, romo gamo meg gi ki i office pa CEO onyo City Education Office ki bene igangi kwan magi: Highland Primary School matye iyi obiya iyo Kitgum, Gulu Prison Primary School iyoo Lacor ma opime ki ot lega Holy Cross, Gulu Town Primary School matye iyoo Gulu University, Mary Immaculate Primary School ingee gang lega madit pa katoli ma ki lwongo ni cathedral ma tye iyi For God, St. Joseph's Primary School onyo Christ the King Demonstration Primary School ingee gang kwan Sacred Heart. Kacer imaro ngec ma ipwo nye wani, bedagonya me nywakone ki lupaconi, luremi, ki jirani ni bene.ka dano madwong gu winyo pwo nye ikom kit peki ma lutino nongo ikwan, ci waromo konyo lutino wa maber loyo.

**Annemaaike:** Wajolo dano weng idul lwod wa ma tin me lutino weng romo pwo ye. Tin cwiny wa yom me bedo ki welo wa idul tuku man me 26. Wa loko tutwal ilok kom ribu dano weng lumuku, goro ma pat pat, peko ma diyo lutino ikare me pwo nye. Ento peko ma pwod pia waloko iye aye peko maodiyo lutino ikare me pwo nye igangi tic cing i Uganda. An nyinga Annemaaike, Atye ngat acel muyabu Backup Uganda dok bene adoro wi dul me BackUp i Uganda pi kom bedi. Cwinya yom tutwal me jolo Deborah Kombedi. Apwoyo Deborah Ajoli.

**Deborah:** Apwoyo, Anne.

**Annemaaike:** Watye ka lok ki inyonyo pa munu. Pe jo matye ka winyo wa, iromo bedo ka tamo ne tutwal kit ma dwong wa ne tye kede. Nyonyo man ki lwongo ni zoom. Ento pwod wa nwako lok mabecu. Deborah, iromo nyutu in ibedo anga bot luwiny wa?

**Deborah:** Apwoyo matek Ann. Cwinya yom me bedo idul tuku man wek bene anywak ngeca bot dano. An nyinga Deborah Zawedde Setyabula dok bene atye won kom maloyo pwo nye ilobo iBuganda, dok bene atye ngat maloyo dul ma ki lwongo ni Dahlia Community Skill development Centre, atye Lapwony i diro ma mega, menu obedo waraga kwan ma anongo me acel irwom me Degree. atye ki ngec matut i IT irwom me master, dok bene adonyo matut tutwal igoro mapat pat tutwale ilok ma kitiyo ki lanyut onyo ni Sign Language, atye bene ki ngec i kit me doro gangi tic madongo ma ajenge tutwal ikom gangi pwo nye me tic cing, menu kama atongo gony madit iye, atye ngat ma bene tye ki ngec matut ikit me ruk dok bene amiyo tam ki kony manok igangi pwo nye me tic cing. Anyome ki Mr. Setyabula watye ki Lutino 3. Atye bene amedo kero me

---

pwonye igangi kwan ma atiyoye Dahlia Community Skills Development Center. Atamo ni menu aye ngo ma aromo wacu ne ikoma kombedi. Apwoyo.

**Annemaaike:** Me dok idiro ma pat pat mai tye kede. Apwoyo matek. Atamo ni omyero acak penyi matut madok ilok kom ruk. Angeyo ni ki inwako lok ma wabedo iye angeci nongo tye miti matek tutwale iribu dano weng ipwonye lumwuku tutwale ka waneno ikom gangi kwan tic cing. Iromo waci wa mano iye?

**Deborah:** Eyoo, atye ki miti matek tutwal ipwonye maribu dano weng lumwuku ma calo lapwony, apor ni waweku lutino wa madwong matte ki goro, labongo ngeyo ni gin bene tye kero marom aroma ki lutino ma wa nongo gi peke ki goro. Wiya opor ikom man ikare ma nongo atye katic ki dul makwako kom jo matye ki goro me it iUganda, dok bene ongo an aye aloyo wiye, adoro gang pwonye menu. Abedo ki kero me neno ni jo matye ki goro giromo timo jami mapol dok bene giromo timo irom moo ma pe waromo biko. Ento pe wamaro mini gi kare wek gutim. Man aye gin ma anongo calo peko ma watye kede. I cwalo neno na pire kena kadi bed bene pi ki cobo. En ki menu oweko aketi ki dul ma Community Skill Center, wek anen ka aromo nongo ngo ma acoyo pire bot dul ma neno jo matye ki goro me it. Dong alegi ni iye anywak kedi ngo ma an aneno macalo ladoo dul pa jomo tye ki goro i it gi. Abedo kapwonyo gi ki ngec me computer an kikoma dok bene gumaro bene gubedo lutino kwan ma niang oyot oyot. Kadi bed kumenu, gimito ngati moo ma giromo wot kede, gi peromo wot kengi, kadala mi anyimgi, gi mito ngati moo ni kuwait kedgi. Amiti abede atir ki kit goro it mene, ma leb pe pol dano pe ngeyo wa irwom ma gin tye ki ngec ki diro idul ma pat pat, ingongo ni dano peromo keto gen ikom gi pi leb gi. Man aye oweko gin ma atamo ni calo mukene miti me winyo lok omyero kuwot karacel ki kit me dongo anyim gi, tic gi owek lakudi cac manongo dano tye kede ikom gi ni obed peke manongo kiromo mini gi tic, giromo nwako kit ma myero kinongi cuk pi jami gi. Menu aye ngo ma atyeko neno. Manongo atye kunu, acwalo lok man ni myero watim gin ma kilwongo ni pwonye marocu kwo. Ka jo ma tye ki peko me winyo lok pe romo bedo pigi kengi igangi gi ki ia adwol gi, ci wan jo ma wapwonyo gi myero watim gin ma kilwongo ni pwony me roco kwo gi ma en aye obedo gin ma kiloko iye adida icawa me medo diro gi, labole medo diro pa dano me iUganda, pwonye me roco kwo en aye obedo pwonyo ngati moni ka en kati ki gi moo ma en oyubu cut cut kun romo cato ne bene, ka mede ki yubu jami nongo bene gitye ka nongo cente ikom gin ma guyubu con, manongo wamede ki nongo cuk pi jami gi dok bene wamedo rwom pa jami manongo guyubu pien gin dong tye ipwonye manongo tye kawot anyim dok bene gitye kamede ki yubu jami mabecu. Man aye gin manongo pol kare peke igangi pwonyo tic cing mapat pat, manongo latin kwan pe romo cung pire kene, kede bed atye ka lok ikom ribe dano weng karacel. Ento bene atye ka lok ikom lutino kwan mukene manongo dong gunongo pwonye ni. Kade bedi mwaka gi tidi ki dong rwom me tego gi bene pwod tye lapiny, man aye jo ma gi mito julu gi matek mada, ki pwonye me roco kwo eni, atamo ni romo konyo gi ka ipwonyo gi yoo weng kit me yubu jami, nicake ki ia acaki ne, paka wai ia agiki ne paka wang ma gin ongii kede. Ginyebe ki tic ki jami weng irwom weng, kit ma kiyubu kede jami, paka wa ia agiki ne paka wang ma oo bot lawil me agiki. Atamo ni awaci miti na pe jami maribu dano weng lumwuku, ma acako kabedo me dongo

ngec pa dano ikin gang, atute matek ni abed ki lugoro mapol bene, atiyu kedgi mukene bene dok bene alwongo gi ni lungec mamega, mukene tye kanongo pwonye. Watye dul ma ribu dano weng. Anongo ni watye kanongo magoba pien ni gitye katimo kom tic kikome mamite. Apwoyo.

**Annemaaike:** Apwoyo matek. Menu winyo ne mit tutwal ci wiya por ikom lok ma awanywako cok coki, iwacu kadi bed ni ngati moni pe romo pwonyo kit me yubu jami weng, pwod nagt enoni twero moko tame me kito cwinye idul acel, kumenu kur?

**Deborah:** Menu lok ada, wiya bene por bene imiyo labole ikom ngat ma yubu ruk, cawa mukene gin pe romo nongo ne ki ikom diro ma kiketo weng ento gin romo kwanyo dule moo acel ma gin omako maber kit me yubu ne, atamo ni aromo mini lok mapol ikom jami enini, ada i kom gin ma wang walwongo ni. Eyo Anne, atamo ni aromo mini tyen lok enini. Gin ma walwongo ni pwonye me yubu jami ni, wa neno kita ki yubu kwedo dong watyeko niang ni time ma rwate ki kero pa latin kwan. Inongo ni latin kwan eni peromo timo tic mukene pieni tye ki goro ento enongo ni en tye ki diro moo mapat, nyo kit me yubu jami ne tye mapat. Wek alok ikom yubu ruk kong, ngolo ki yubu bongo. Inongo ni man kama latin man timo maber tutwal iye dok bene mite kong madit maromo bedo ni icinge pien peromo ngolo bongo ento twerk pimp bongo maber adida ki jami mukene ni. Dano eni romo yubu rek atir ka tye yubu bongo. Pi man waromo weko en dong mako lakany, dok dano eni romo bedo me kuyubu ki ngolo rek atir. Ngat mukene romo bedo ki diro me ngolo rek mughal onto tyeko tic maber ci wamine tic mukene. Pi man gimoo kiken ma in itye ka lok aye tye lok ada. Ni waromo timo gin acel makero wa me goro wa romo timo. Konyo mada ipwony wa me yubu jami.

**Annemaaike:** Apwoyo miyo labol menu. Enoni yoo maber tutwal me yubu jami maribu dano lumwuku. Komenu kur? Kakare, watye ki ludiro magi peke ki goro moo kiken bene, pi ngo pe wayeyo menu bene? Onyo pengo bene pe waved ki ngat ma bene tye ki goro? Kakare, inwako kedwa peko manok ma dong ineno gi dok bene ikato ki iye ikit me mino pwonye maribu dano weng igangi kwan me tic cing iUganda. Imito medo moo manok kede inongo calo iwacu gino weng?

**Deborah:** Atamo ni nen calo pwod pia acobo pien iUganda kany myero walok matut ilok ma kwako kom pwonye me tic cing ma watye kede manok ni. Aniang macalo an ni kwano tic cing pire tek dok bene atyeko niang ni ikin jo ma watiyo kedgi ni pol gi perwate maber tutwal ki tic cing, wek amini labol eni ma atye kamedu keru me pwonye, atyeko neno ni lutino kwana gitimo gin mo acel paka wang ma gin ocwalo icuk, gimo kiken ma watiyo iye ikare manongo watye kayubu jami wa ki ikare me pwonye wa, watye kaneno ngat ma obi tiyo ki jami wani me agiki. Pe watye kaneno jami mugu ma kitimo mede me kato kwan, pwonye me tic cing pire kene pe watero calo me balo cawa ento watye kaneno ngo ma obi kati iye me agiki ne, ka ikati ki kom jami me iyubu, itye ki gen ni lawic cwinye obibedo yom iye? Dok bene in aye itye lawil me acel. Pol kare amiyo tam bot dano na ni in aye itye lawil me acel, ka inongo jami ma iyubu ni pe ber, en aye kit ma ngat ma lawil obi nongo kede eno. Pi menu myero iyub gimo ma cate, dok nen munya

manongo tye irwom ma lamal. I kwano tic cing, doge pwod orem manok manongo pe walubu lutino kwan wa paka wai rwom me cato jami ma ki yubu, wamini gi pwonye ci dong waweko bur enoni. Gin mukene ma atye nongo ipwonye me tic cing en aye, jo ma wapwonyo gini gi peke cente layab biacara mamegi. Iyubu pwonye me tic cing, wanongo ni nyono madwong mite wek gutiak pwonye man iyoo weng. Watye ki lutino kwan wa ma wa pwonyo gi wek gin okat woko ocet onong tic ma loko kwo gi ento nongo gi peke ki nyonyo ma nongo giromo tic kede me yubu jami kunen maber, mene teloke ni pol kare tic gi ceto baleo ikor yoo manongo weko jami ne dugu teko, labole kanongo giromo nongo nyonyo ma weko jami bedo atir, inongo ni imito nyonyo me tyeko tubu ne, gin obi mito nyonyo langole, nyonyo ladee nee menu weng mite. Ma inongo ni latin kwan peke ki kero me wilo ne, menu dong tenyu bur matut iye, ka watye ke pwonye me yubu jami dok bene watye ki nyonyo maber, manongo wayubu katic acel ia awol moni, atamo ni waromo konyo lutino kwan eni. Waromo bedo ki moo ma giromo bino mede ki pwonye gi inge tyeko kwangi, giromo bino yenyu cuk bene ci wan waromo mini gi kamoo madit dit wek gubin guti kedwa pien watye ki nyonyo mapol ma gin pe romo wilo ne. Pi man, ka gikelo jami gi icuk, nongo bene gitye ka gwoko cente moo manok ma ka ojoke romo cako te biacara paka weko giromo cung pi gi kengi, enoni aye tye yoo ma wanongo ni waromo loro kede dog jami manongo odong ipwonye me tic cing. Nyutu diro ki keti ki diro manyen obedo gin ma pe wagudu matut tutwal, tye jami mapol ma waromo timo ne ipwonye me tic cing dok pol kare amiyo labole iwaa me uganda, tye waa ma walwongo ni “Nigginna”. Pe angeyo ka ingeyo Anne. Ki gum marac pe atwero mini video ne ento lakudi waa moni ma ki lwongo ni “Niginna”, pol kare ka iceto icuk, inongo ni dok ki kati ki diro manyen iye, ma ka mwaka eni okato, enongo ni mwaka manyen dok diro manyen nongo oduonyo manongo neno ne mit tutwal iwang luwil dok weko luwil keto waa enoni number acel bot gi, iwinyo gi wacu ni amito man, atye dong ki man, menu weko yubu jami me ruk bedo mit adida. Kadi bed watye ki diro moo acel ia adwol moni, pwod mite tutwal me nyutu yoo ma atir bot lutino kwan wani, myero ki jul gi paka wang ma dong giromo bedo kengi. Menu aye peko ma tye. Wa pwonyo gi, wakero gi inge tyeko kwan ento pe walubu kor tic gi. Pe bene nongo wangeyo kama gin kwo iye, dok bene nongo pe wangeyo kita nongo tye kabedo kede manongo dong romo konyo wa tutwal. Aniang nenu pa lobo Uganda tye me keto lutino me neno ni watye ki kero me tiyo cente imwaka moni onyo dul madit me tiyo cente, ento pwod pia wa oo irwom me nongo pwony me tic cing ma kimiyo petye ka gudu enoni, jami tic ma mite nongo ne pe yot bot dano weng ma gi ceto kakwano tic cing enoni. Atamo ni otumu, Apwoyo.

**Annemaaike:** Apwoyo matek, atye ki gen ni dong aniang lakit waa ni ento pwod wabi nywako matut inino me lacen. Onongo ibedo kawacu pi bur ma odong ma myero watii iye, dong ineno aloka loka moo ikare me mwaka mu okato angec?

**Deborah:** Lok ada, idul mamega ni, aneno dong aloka loka mapol. Igangi kwan mukene ni, ma ginyutu yoo matir ipwonye me tic cing, aneno bur ni pwod odong matut. Dwong pa lutino kwan wa ma gin timo tic cingi, nongo ngec mapol, ento pe ki konyo gi ikare menu. En aye oweko bur ma kumenu pwod tye. Ka inen watye ki dano mapol kamedo kero gi ki wot ka neno kit ma dul ma patpat ilobo mapat pat gin loro kede bur man obikonyo mada ento mito cinema manyen onyo

lumii tic onyo lutim biacara, ma gi tye ki neno matut me biacara ki bene gi tye kero matidi me cako biacara ma mite pi lutino kwan wani wek wa bed ki kero me loro bur man kadi bed ni gin pwod tye.

**Annemaaike:** Oniange, Apwoyo matek. Kombedi dong iloko ikom medo kero. Lapeny manongo amito penyu en aye lupwonye dok okori gi tye lakwene?. Watye ki luwinywa ma pwonyo tic cing igangi pwonye mapat pat, dok atye ki gen ni cwiny gi obibedo yom me winyo ki boti ngo ma gin gi romo timo wek gangi pwonye me tic cing kubed maribu dano weng lumwuku.

**Deborah:** Eyo Anne, wan watye. Dok dul mamega ni tye atera dok bene acako miyo ngec onyo gin ma kilwongo ni nwako tam ki dul gangi pwonye me tic cing ma patpat. Acako miyo pwonye bot gangi pwonye me senior kilaci angwen ki abicel. Man aye gin ma myero wawot kwede pyien aneno lutino kwan lupwonye ki lunyodo gi tye ka cung matek iye dok gi neno calo eni gin manyen bot gi. Pwonye me nywako tam en aye jami weng dong omyero ku aa ki iye. Bur mukene mape aloko iye en aye ka waloko i lok kom meto pwonye ilobo uganda pol lutino wa ki ceto pwonyo diro ma nongo dano mapol gi tye iye dok bene nongo opongo cuk woko, enoni aye lakodi diro ma lutino gi mito. Kany aye oweko wa mito nywako tam ikom pwonye me tic cing, pe myero wa mii bot lutino kwan keken ento wa joo ma gi cung iye macalo luyodo, lupwonye, lutino kwan ki luloc me gang kwan.

**Annemaaike:** Apwoyo matek, itye ki labol ikom diro mo ma in itiyoy kede ma itiyoy kede ka pwonyo lupwonye ki medo kero gi, medo kero ma in miyo it gi. Kadi bed manongo ibedo ka lok itye kalok ikom diro manen ma kare muken inwako ki jo ma ipwonyo gi? Atye kateme me tamo, ka ni imini wa labole. Anga ma ngeyo, twero bedo me kony bot jo ma tye kawinyo dul lok wa me nino matin dok gi tamo ni eyo, omyero akel gi Deborah wek bene anong pwonye eni matut.

**Deborah:** Ber eni aye ngo ma myero watim, abi mini yoo weng kit me timo ne. Me acel, atye ki diro weng me pwonye me tic cing, ma aceto wa nwako ki wegi gangi pwonye, dok awaci gi me lwongo kacoke pa lunyodo ma lutino bene gin gi bedo iye. Kakenyu dong nongo atye gi joo ma giromo ribu cing iye, lunyodo ma ki lwongo gi ikacakoke, lutino kwan ma gubedo iye, lupwonye ki luloc me gang kwan, pi man atye dong ki dul ma cung kedwa. Ikacoke eno ni, an pol kare atimo gin ma kilwongo ni “power point presentation” ki nyig lanyut macung ikom tic ma watimo, ki bene medo ki nyutu yoo ma atir, pien lapeny ma ki miyo, ma an bene apenyo, en aye ngo ma wamito pi lutino kwan wa, ngo ma lutino wa otim iyi anyim gi, ibinongo ni lunyodo wa ma pol mito ni lutino mere gunong tic me offici keken, ni eno ni ayo gin ma gin mito. Ento wamiyo ki gin tam ni joni pat ki nga ma gin tamo ni, nga ma gin obedo ki kit gi, cwiny gi ki kero gi onyo ngo ma walwongo ni “kero patpat”. Ci dong wacako ki kenyo me niang ngo ma wamito lutino wa obed ka timo iyi anyim. Kakenyu dong waceto ka nyutu gi ngo mamoyo ki tim idul adwol ma ma wacu angeci. Menu aye kit ma atimo kede dok yoo mukene ma atimo aye lwongo gangi kwan ipwonye me bino tic ki igang tic ca, me nyutu yoo weng me tic ki kero pa lutino ma pat pat igang tic, inyuti gi yoo weng me timo gimoo. Ci gi moko tam gi. Inyuti jami kit ma ineno

gi kit matute me yubu jami ki jami mukene ni. Wa kelo yoo mukene me ngino kit ma kit gi tye kede ki kero pa lutino kwan eni. Wayubu gin moo ma gin pongo macolo form weko konyo wa waneno ngo ma gin giromo timo maber onto pe gin romo timo maber. Atamo ni agamo lapenyi ni manok.

**Annemaaike:** Apwoyo tutwal, man winye me pwonye tutwal. Winye calo gin moo ma amaro timo tutwal. Kadi ka bed an pe atiyo i gang kwan pwonye me tic cing moo keken. Apwoyo matek. Lapenyi ma mega me agiki boti inino matin aye ni kanongo itwero nywako ked wa ma tut ikom lok eno ni, iwaco ki wan ningo? Onyo tam ango ma imiyo ikom lunyodo ma waloko i kom gi? Imiyo tam ango bot lunyodo pa lutino onyo bulu ma gi tye ki goro mapapat, ikom pwonye me tic cing, pien kit ma angeyo kwede gin bene pi gi tek tutwal ilok ma tin.

**Deborah:** Wek atee calo pe gin ma bikelo apoka poka ikin jo matye ki goro mapat pat. Ento wek alok ki lunyodo ducu, kono lutino wa tye goro onyo kur. Me acel wek amini labol calo lapwony, angeyo ni i gang pwonye, watye ki ngo ma walongo ni “lutino ma nyiang mot mot tutwal” Ki “lutino ma nyiang oyot tutwal”. Tye jo ma nyiang oyot ki jo ma nyiang mot. Ci dong ka angeyo apoka poka eno ni ma calo an lapwony, kadi kabedi wa tye ki lunyodo, calo lanyodo acel ma omiya latic makonyo gwoko ota obed maleng ki neno lutino na ki gang. Lanyodo ni owaci pe atamo ni omyero iyel komi me weko latin na ni omede ki kwan irwom moo keken pien obange. Menu aye lok ma en otiyo kwede. Nyara obape ma pe twero timo gimo kiken, ento ka tic ma gang, en twero. Atero kare ki nyako eni ada, en tiyo mot. Ento ka kimine kare ki pwonye pa Lapwony, abedo ki kero me nongo gi mo maber ikom nyako man, icawa ni pwod dong alwongo en calo lakony kora ma cok loyo, en pe ngeyo coc ki kwan ento ka obedo nyonyo tic, en tiyo me awura, me aryo en twero yubu nyonyo tic. En obedo layub nyonyo tic, en otimo tic me yubu machine matut tutwal ma kwako kom nyonyo tic ma megwa, en aye timo jami eno weng. Abedo ki en dong icawa ni pe mwaka abiro ci dong amito medo bot lunyodo matye ka winyo wa i cawa ni ki bene mapwod tye ka wacu ni megwi pe twero pwonye, ki bene ia yom pi dul lok wa me nino ma tin me lutino weng twero pwonye, atamo ni rwate tutwal, anyaka ni acel obedo ikin lungec na. Ma dong acako pwonye iot kwan kit me coc ki kwan wek en bene kungee leb ogil mo manok ki bene cura ki kwano numbara, eni aye obedo jami ma en peke kede. Lunyodo tye ki lakudi wic moni. Anyaka eni ma onongo peke lagoro. Ento kit moo gire onongo en niang mot. Ci dong lunyodo myero pe ongol kob iwi lutino gi pien latin moo kiken twero pwonye dok bene ageyo. Ki dong tam mukene ma amiyo bot lunyodo, pe dok gin gubed ki gen tutwal ikom kwan man me tic cing, gimite nyutu gi yoo ma atir, gimite konyo gi ki tam ikom ngo ma myero guyee, kwan ma memegi me tic cingi ni dano mapol tye iye dok pyem tye matek iye tutwal, wa ki inongo cuk pi jami ma kiyubu tye bene matek. Ento tye kwan mukene matye matek ento mito jami madwong. Kakany kama mite ki lunyodo me miyo tam matut ikom tic cingi. Ki dong me adek bot gangi pwonye man mamiyo pwonye me tic cing, an pwod amito ni wami nyonyo tic wa ki kit ma kitiyo kwede wek ikara ma lutino kwan wa weko gangi pwonye wa nongo gin ngeyo apoka poka ikom gin maber, jami tic, apoka poka ikin nyonyo tic. Jami enoni weng pii gi tego, kadi bedi,

gangi pwo nye wa mukene pe ki mini gi jami pwo nye man mabene pe raci pi pwo nye me tic cing, ento man obedo jami ma lunyodo gueny ka mito nongo magoba mabwub. Apwoyo.

**Annemaaike:** Ci dong Deborah, dano twero nongi nining ka gimito pwo nye matut ki boti?

**Deborah:** Apwoyo Ann, atamo ni aromo miyo numbara cima matye 0700 449439, acel mabene tye inyonyo kube me whatsapp tye 0782238333. Bene akwan email mamega?

**Annemaaike:** Pire tek.

**Deborah**

Tye [enterprisedarilia@gmail.com](mailto:enterprisedarilia@gmail.com).

**Annemaaike:** Lok leng, atye ki gen mada ni jo matye kawinyo wa gujolo ki cingi apaa pi dul tuku man, Apwoyo Deporah, tye gi mo ma imito medo ikom ngo ma iwacu ni?

**Deborah:** Atamo ni kakare, we opor gi mo bedo calo awaci, ma calo an dong aniang ngo ma kwano tic cing obedo gin ango irom weng, atamo ni angeyo, kombedi ni, atye ka kwano gin ma leb munu wacu ni Doctorate in Counselling psychology kwan irom ma malo me miyo tam ki dano madok iwi gi, atye ki ngec kwan mapol, atye ki diro mapol bene ento anongo diro me ruk en aye dok tye ka timo ne maber adida madong tye me yom cwiny tutwal bota kiken. Pi man atye ka ito malo irwomme cul makwan kelo bene. Pwod aye ni diro me tic cing romo culu ngati moo kiken ma maro ma onongo pwo nye ne kikome. Atye ki gen ni. Amiyo tic ikoma kiken ikom jami aryo, en aye lutino na weng amini gi diro. atye ki acel i P.2 maromo tic ki nyonyo ma tiyo kima maber. En twerk timo maber. Cawa mukene atamo ni ka aromo gamo diro mabote ni, wek anytime kubed dano matte ki diro wa ki ngec matut iruk. Cwinya gomo mada. Latin acel ma atye kede ni obedo awobi. Latin kayo na obedo bene awobi ma pe mito timo kit gimoo kiken, maro tic ki tame kene kene wa rwom ma niang en oloya macalo mama ne. Ento ka idiro, atyeko niange diro neo dong. Tye ka kwano Senior acel i Uganda kany kombedi dok bene en obedo ngati moo ma twero tic ki nyonyo ma pat pat dok bene romo bedo ki kero me yubu mutoka, lela, piki piki ki jami mukene ni dok maro timo ne. Menu aye dong tice pi anyim ka omede kede maber ikit me bedo fundi. atye oo irwom me ngiyo diro pa lutino na ki bene pol kare aweko gi bino igang tica wek ange ngo ma gi romo timo maber loyo ki ngo ma gin pe romo timo ne maber. Dok atamo ni lunyodo omyero gu ngee man, wiya nen calo owinlo nene con ni ngeno diro pa latin mapwod tidi pire tek adida kun nongo wa kongo gi dongo kede. Apwoyo.

**Annemaaike:** Apwoyo matek, tye diro mapol maloyo kwan kumenu kur? An bene aye ikome menu. Apwoyo Deborah dok bene apwoyi me leyo kedwa tami tin. Cwinya yom tutwal ikom jami weng ma itye katimone dok bene alegi winyo maber. Apwoyo dano weng me winyo dul tuku wa man. Wabiyele me rwate kedwu odojo ikare mabino anyim, ento pi kombedi amito poyo wii ni lutino weng twero pwo nye.



Gulu, Uganda / Zwolle, The Netherlands

E-mail: [info@backupuganda.org](mailto:info@backupuganda.org)

Web: [www.backupuganda.org](http://www.backupuganda.org)

Tel: UG +256 7 72630078

NL +31 38 4604615

---

**Agikki:** Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matimei romo nongo i wang website [www.backupuganda.org](http://www.backupuganda.org) onyo i facebook, instagram, Twitter kacel ki LinkedIn.